



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno MCLXXXI. ad annum MCCCXIV.

Parisiis, 1644

Epistola I. Lvcii Papae III. Ad Episcopos Et Clericos Scotiae. De absolutione
Vvilielmi regis Scotiae.

urn:nbn:de:hbz:466:1-15974

EPISTOLA I.

LVCII PAPÆ III.

AD EPISCOPOS ET CLERICOS SCOTIÆ.

De absolutione Vvilielmi regis Scotiæ.

*Lucius episcopus seruus seruorum Dei venerabilibus fratribus, epis-
copis, abbatibus, clero & populo per Scotiam constituto,
salutem & apostolicam benedictionem.*

CVM regibus tamquam præcellentibus Apostolus sta-
tuerit deferendum, dignum est & consonum ratio-
ni, vt eos tamquam filios carissimos propensius honore-
mus, & in deuotione beati Petri & sacrosanctæ Romanæ
ecclesiæ annuendo iustis illorum desideriis attendamus.
Accepimus autem quod cum carissimus in Christo filius
noster Vvilielmus illustris rex Scotorum electioni & con-
secrationi venerabilis fratris nostri Ioannis episcopi in-
exorabiliter obuiaret, obtenu literarum sanctæ recorda-
tionis Alexandri papæ prædecessoris nostri, bona me-
moriæ Rogerus Eboracensis archiepiscopus, & iam epi-
scopus dictus, in eum & regnum & quosdam de regno
sententiam excommunicationis promulgarunt. Ceterum
venerabilis frater noster Iocelinus Glasciensis episcopus,
& dilecti filii Arnaldus de Melros & Osbertus* Kalkoen-
sis abbates, & Vwalterus prior sanctæ Columbae de Infula,
propter hoc ad sedem apostolicam accedentes, sua nobis
assertione monstrarunt, quod archiepiscopus excommu-
nicationis in regem, & interdicti in regnum, & episco-
pus iam dictus in quosdam de regno excommunicatio-
nis sententiam protulerunt; quam ex multiplici ratione
retractandam fore rationabiliter coram nobis & fratri-
bus ostenderunt. Inde vtique fuit, quod præfato regi tam-
quam carissimo in Christo filio deferentes, omnem sen-
tentiam iam dicti episcopi, pro præfata causa in eum vel
suos vel regnum prolatam, de communi consilio fratum
auctoritate apostolica relaxauimus, & statuimus illum
& suos excommunicatione, & regnum interdicto ex præ-
scripta sententia nostra non teneri. Quocirca vniuersi-
tati vestræ per apostolica scripta præcipiendo mandamus,

Concil. Tom. 28.

A ij

4 LVCII PAPÆ III.

quatenus ei tamquam regi catholico & habenti communionem apostolicæ sedis participare minime dubitetis: sed in omnibus illi honorem congruum impendatis. Quanto enim certiores sumus de sinceritate deuotionis illius ecclesiæ & personis ecclesiasticis regni sui, tanto amplius eum volumus in omnibus, in quibus secundum Deum possumus, honorari. Datum Veletræ decimo sexto Kalendas Aprilis.

EPISTOLA II.

LVCII PAPÆ III.

AD HENRICVM II. REGEM ANGLIÆ.

Pro subuentione facienda terræ Hierosolymitanæ.

*Lucius episcopus seruus seruorum Dei Henrico illustri Anglorum
regi salutem & apostolicam benedictionem.*

CVM^{*} cuncti prædecessores tui præ ceteris terræ principiis^{* incliti} pibus armorum gloria & animi nobilitate longe retro claruerint, eosque fidelium populus habere in sua dicerit aduersitate patronos, merito ad te, non tantum regni sed paternarum virtutum heredem, quadam securitate præsumpta recurritur, vbi populo Christiano imminentे periculum, imo exterminium formidatur; vt per brachium regiæ magnitudinis membris eius impendatur præsidium, qui te, vt ad tantæ gloriae & prælationis apicem peruenires, sua pietate concessit, & te contra sui nominis impugnatores nefarios murum inexpugnabilem ordinavit. Primum nouerit serenitas tua, iam crebris & molestis super hæc pulsata querelis, qualiter terra Hierosolymitana, specialis hereditas Crucifixi, in qua nostræ salutis sunt prænuntiata mysteria, & ipsius rei exhibitione completa, quam ille qui cuncta condidit in suam sortem peculiari priuilegio deputauit, perfida & spurcissimæ gentis attrita & conuallata pressuris, nisi ei celeri remedio succurratur, prona sit ad ruinam; & inde, quod absit, sustineat irreparabilem religio Christiana iacturam. Ille enim Saladinus sancti & tremendi nominis immanissimus persecutor, ita spiritu furoris incanduit, & totius nequitia suæ vires ad internecionem populi fidelis exercet, vt